



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

**Komisija za jednakopravnost spolova
Skupštine Kantona Sarajevo**

Broj: 01-04-4179-9/25

Sarajevo, 25.03.2025.godina

**VLADA KANTONA SARAJEVO
ZASTUPNICI U SKUPŠTINI KANTONA SARAJEVO**

U skladu sa članom 51. Poslovnika Skupštine Kantona Sarajevo i članom 4. Poslovnika o radu komisije, Komisija za jednakopravnost spolova Skupštine Kantona Sarajevo održala je redovnu sjednicu 25.03.2025.godine, na kojoj je razmatrala tačke dnevnog reda u funkciji pripreme 21. radne sjednice Skupštine Kantona Sarajevo, te nakon obavljene diskusije podnosi slijedeći

I Z V J E Š T A J

Prijedlog Budžeta Kantona Sarajevo za 2025. godinu

Komisija je jednoglasno podržala Prijedlog Budžeta Kantona Sarajevo za 2025. godinu, ističući da je u članu 8. Poglavlje VII Budžeta Kantona Sarajevo za 2025. godinu, a shodno Zakonu o ravnopravnosti spolova u BiH, dat pregled najznačajnijih izdvajanja u Budžetu Kantona Sarajevo u pet prioriternih oblasti u 2025.g. te da se za unaprijeđenje rodne ravnopravnosti izdvaja oko 7,5 % Budžeta kao što se može vidjeti iz priloga:

U oblasti odgoja i obrazovanja, planira se:

- Sufinansiranje završetka osnovnog obrazovanja odraslih, čime se doprinosi smanjenju nepismenosti stanovništva i stvaranju prilika za uključivanje u tržište rada, u iznosu do 80.000 KM;
- Davanje stipendija učenicima/cama za deficitarna zanimanja, čime se podstiče veći upis učenika/ca u srednje stručne škole u iznosu do 390.000 KM;
- Sufinansiranje predškolskog obrazovanja u privatnim vrtićima, koje doprinosi stvaranju boljih prilika za rad za majke ili očeve (koji brinu o djeci zbog nedovoljnog kapaciteta javnih ustanova - vrtića) u iznosu do 18.180.668 KM;

U oblasti nauke i visokog obrazovanja, u budžetu Rektorata, planira se izdvojiti do 170.000 KM za:

- Unaprijeđenje rodne ravnopravnosti u svim oblastima rada UNSA;

- Integrisanje principa rodne ravnopravnosti sa fokusom na studente/ice – rad sa studentima/cama;
- Unaprijeđenje rodne ravnopravnosti u naučno-umjetničkom radu i produkciji.

U oblasti privrede se planira izdvojiti iznos od 1.000.000 KM za poticaj razvoja ženskog poduzetništva.

U oblasti rada, socijalne politike, raseljenih lica i izbjeglica, kako slijedi:

- Za zaštitu porodice sa djecom izdvaja se oko 78.6 miliona KM.
- Bitno je istaći da su krajnji korisnici ove vrste naknada bili žene i muškarci;
- Za programe socijalne zaštite planira se izdvajanje do 20.8 mil KM;
- Posebno je potrebno naglasiti da Kanton Sarajevo kroz programe socijalne zaštite finansira smještaj u ustanove socijalne zaštite, a unutar tog programa i rad sigurnih kuća u koje se smještaju žene i djeca žrtve nasilja, po zahtjevu i odluci Kantonalnog centra za socijalni rad, sa izdvajanjima do 300.000 KM.
- Unutar programa socijalne zaštite planira se skup mjera i aktivnosti koje su usmjerene na preveniranje i otklanjanje stanja socijalne nesigurnosti pojedinih kategorija stanovništva – zaštita žrtava nasilja u porodici, sa izdvajanjima do 150.000 KM (žene žrtve nasilja koje su bile smještene u sigurne kuće).
 - Zaštita civilnih žrtava rata će iznositi do 16.3 mil KM, te Sufinansiranje rada javnih kuhinja do 2.776.550 KM.

U oblasti zdravstvene zaštite nastavljaju se provoditi projekti prevencije, očuvanja i unapređenja zdravlja stanovništva Kantona Sarajevo, te uplaćivati zdravstveno osiguranje trudnica i porodilja koje na drugi način ne mogu ostvariti ovo pravo:

- U okviru preventivnih programa, planira se izdvajanje od 460.557 KM za screening raka, grlića maternice, raka dojke i kolorektalnog karcinoma i druge skrining testove;
- Za zdravstveno osiguranje trudnica i porodilja koje na drugi način ne mogu ostvariti ovo pravo planira se 20.000 KM, a mjera se provodi na način da Ministarstvo zdravstva vrši uplatu naknade u iznosu od 20 KM mjesečno na ime doprinosa za obavezno zdravstveno osiguranje po jednoj trudnici/porodilji, do isteka 6 mjeseci od dana poroda.
- Za podršku organizaciji i održavanju naučnih skupova iz oblasti zdravstva planira se izdvojiti do 50.000 KM.
- Za podršku rada udruženja, neprofitnih organizacija i drugih pravnih lica u oblasti zdravstva planira se izdvojiti do 100.000 KM.

Prijedlog Zakona o izvršavanju Budžeta Kantona Sarajevo za 2025.godinu

Komisija je jednoglasno podržala Prijedlog Zakona o izvršavanju Budžeta Kantona Sarajevo za 2025.godinu uz sugestiju svim ministarstvima da, u skladu sa usvojenim programima utroška sredstava za 2024.godinu, obrate pažnju prilikom izvještavanja, dajući poseban osvrt na rodno-odgovorno finansiranje projekata u skladu sa članom 38. Stav 4. Zakona o izvršavanju Budžeta Kantona Sarajevo za prošlu godinu, kako bi konačni izvještaj o izvršenju Budžeta mogao dati jasniju sliku o rodnom aspektu finansiranja. Kroz detaljnije izvještavanje želimo da se uz što više informacija obezbijedi adekvatno planiranje i jasno određivanje kriterija za dodjelu sredstava u cilju kontinuiranog unaprijeđenja rodne ravnopravnosti u Budžetu Kantona Sarajevo.

PREDSJEDAVAJUĆA KOMISIJE

Vildana Bešlija, s.r.